

آبونه شرائطی  
 داخلی، خارجی هربر ایچون  
 سنه لکی (۲۵۰)، آتی آتی  
 (۱۳۰) غروشدر .  
 نسخہ ۵۰ غروش ،  
 سنه لکی ۵۲ نسخہ در .  
 اداره خانه  
 باب عالی جاده سنده دائره مخصوصه  
 اخطارات  
 آبونه بدیل بشیندر  
 مسلكه موافق آتار مع المویبه  
 قبول اولنور . درج ایلنه ن  
 یازیلر اطاده اولنور

# اسرار قرآن

دینی، فلسفی، علمی، ادبی هفته لاق مجموعه اسلامیه در

باش محرر صاحب و مدیر مسئول

اشرف اربیب

اتبعون اهدکم سبیل الرشاد

والله یهدی من یشاء الی صراط مستقیم

عدد : ۳۸۸ ۲۰ ربیع الآخر ۱۳۲۷ پنجشنبه ۲۳ کانون ثانی ۱۳۳۵ جلد ۱۵

## اسرار قرآن

منافقلرک ، آرلزنده یاشادقلری امتلر ایچون اکنهلکلی ، مهم  
 وعلوی مقاصدی استهداف ایدن ارباب دعوتک مساهی نشریه لرینی  
 عقیم برافق ایچون اکن مضرواک بلالی بر عنصر تشکیل ایتمکده اولملری  
 فقهای اسلامی بونلره قارشینی بولده تداییر زجریه اتخادی ایجاب ایده چکنی  
 تدقیق وتامله سوق ایتمشدر .

برکره شوراسی محققدر که رسول علیه السلام منافقلردن کفید ایتمش ،  
 قتل وازاله وجودلری جهتنه کیتامشدر .

بعضیلری مسلك تنمیرینک سر و حکمتی ، هیچینده موجود  
 اولان حدیث شریفه استناد ایضاح ایله : «عایه الصلاة والسلام افندمن  
 بونلره قارشینی شدت وسطوت مسلكنی تعقیب ایتمکی تقدیرده محمد  
 (عایه السلام) کندی آدملرینی اولدیریبور . طرزنده هر بلر آرمسنده  
 کفتکو خصوصنه سبیت ویرمش اوله حق ، بو یوزدن فننه جوغاله حق  
 اعرابدن قسم مهمنک قیلرنده اسلامه قارشینی شدید بر نفرت اویانه حق  
 ایدی ، دییورلر .

دیگر بر قسمی مسئلهی شوجهله تمیل ایدیورلر : اوت ،  
 رسول علیه السلام منافقلرک قتلنه طرفدار کل ایدی . چونکه آره لرنده  
 بولنه رق پیدری نازل اولان آیات قرآنیه ایله اولنرک مقاصد و معنویاتی  
 حقنده مؤمنلری دائماً تنویر ایدیور ، کندیلرینی صبق بر مراقبه آلتنده  
 بولوندیریبور ایدی . شوراسی ده وارکه همدکیزین رسائنده منافقلر  
 ناقابل اھمال برکیت تشکیل ایتمکله برابر غایت طاجز و جین بر زمه

ایدیلر . بوندن بشقه مسلمانلری سعایت و دشمنلری اولنرک احوالندن  
 خبردار ایده بیلیمک ایچون مشرکین قریش ایله آره لرنده برخط  
 مواصله موجود دکلدی . بویله اولما یوبده علیه الصلاة والسلام افندمن  
 منافقینک اسلام آرمسنده دوام موجودیتلرنده برتملکه حسن ایتمش ،  
 مکرو دسیسه لرندن امین اولما مش اولسنه ایدی ، شهبه بوق که نه اولنره قارشینی  
 لاقیدبر وضع آلیر ، نه ده نفاق سوو نیتلرنده دوام ایتمکجه کندیلرینی بر دشمن  
 مضرتاقی ایدرک ازاله وجودلری اسبابی استکمال خصوصنده بر لحظه  
 توقف ایدر ایدی .

فکر منجیهده ، بعض ذواتک ، منافقلرک ، مسلمانلره قارشینی  
 مسالئکار برمسلك طوتدجه هدف تعرض اتخاد ایدیلرینک نخریمی  
 حقنده وارد اولان بر اثره استناد ایله علیه الصلاة والسلام افندمنک  
 صورت مطلقهده کندیلرندن ال چکمش اولدیغی ادعا ایلملری ، حتی  
 مسلمانلره قارشینی کوستردکلری وضع آمیزش وائشلافی ، خدعه  
 ودسیسه مقصدیه یایمقده اولدقلرینی حسن واستبدال ایتمکی حالدیه بیله  
 بومسلكنه خال کتیرملمش اولدیغنی سولملری اسلامک او ، ایچنه  
 سیاسی ، غایت متین ورضین اساسلره استناد ایدن اصول اداره سی ایله  
 قابل تالیف دکلدر .

اسماً بیلیمیزکه بویله برمسلك « واما تخافن من قوم خیانتہ  
 فانید الیهم علی سواہ ان الله لایحب الخائنین = برطاقم کیمسه لرک خیانت  
 ایتملرندن قورقارسک آرمده موجود اولان عهدی فسخ ایله کندیلرینه  
 اعلان حرب ایت الله خائلیری سومز . » نظم کریمنک تلقین ایتمکی  
 مسلك تیفظ واحتراز لصلی تالیف اولنه بیایر ؟ بوراده خیانتلری

اخطارات  
 آدرس تبدیلنده آریجه بش  
 غروش کوندر لیدر  
 مکتوبلرک امضالری واضح  
 و اوقو فاقلی اولسی و آبونه صره  
 نوسوسنی محتوی بولسی لازمدر .  
 مالک اجنیه ایچون آبونه  
 اولانلرک آدرس لرینک فرانسه .  
 جهده یازلسی رجا اولنور .  
 باره کوندر لیدکی زمان نه په د اثر  
 اولدیفنک واضحاً ییلدیرلسی  
 رجا اولنور .

لرسه چاره سز سنی اوزر لرینه مسلط ایدرز . سکره آرتق کندیلری ایچون مدینه ده قالمق ، ساک همجوار اولق امکانی قالماز . اللهمک مظهر لعنتی اولدقاری حالده نروده راست کتیریلر لرسه دزحال یا قالا نوب کبر تیلکه محکوم اولورلر .

عبدالعزیز چاوش

مدرسی: محمد شوکت

## تعصب

مؤلفی: پرنس سعید علیهم یا شا

بشریت ، بر قوه قاهره نیک تحت تأثیر نده جریان تکامل دائمی سی تعصب ناپذیر بر جهد ایله تعقیب ایتمکده و طبیعتک بخش ایلدیکی غیرت لایفنا سیله محول کائنات اولان هوامل و قوتلر میاننده حصه سنه دوشن وظیفه معضله یی ایفا ایتمکده در .  
مجهوله متوجه بوشتاب قارشوسنده ادراک بشری ، انسانلرک بی شعورانه اعمار واستعمار ایلدیکی شو طالده کی وجه وجودی پک بیهوده کشفه چالیشبور .

ناظم مقدرات اولان لایتیر قوانین ، اوبی پایان تنوعیله حوصله منزه صیغه میور . بتون معرفت بشریه ، انسانک اقوام و افراد اوزرنده عین تأثیره مالک قدر دستان بر قوه مطلقه یه منقاد بولندیغنی اوکره نمکدن عبارت کالیور . تاریخ ، قوانین مسروده نیک بی نهایت ترکیبات مختلفه سنندن متولد و قوت و حادثاتک بر تعاقب دکلیدر ؟ بشر نظر نده تاریخ ، انسانلرک تأثیرات و نتایجینه آنجق بعدالوقوع مطلع اوله ییلدکلی و آنجق حبیل اولان مراقب نطمین ایچون ایضاحنه یلتمدکلی بر سلسله متوالیه مقدراتدن بشقه بر شیمیدر ؟ نتایج مشومه سیله بشریتک ترقی وانکشاف طبیعینه حائل اولمش و بوتیجه یی عصر لرجه سکتنه تأخره اوخره اتمش اولان شرق و غرب آره سننده کی بغض الطفا ناپذیره کیم احتمال و بره ییلر هی .

زیرا پیشوای اخوت و تساند اولان شرق محمدی ، انوار فیوضات نشاری بلر باراق مالنده یشایان غرب نصرانی به پک سمیعانه ابدال اتمش و مدنیت غربیه نیک انکشاف و توسعه نیک مؤثر بر طرزده خدمت ایلشدی . وجدان بشره کوره شرق ایفا ایلدیکی بو وظیفه خیر پرورانه ، بالعمکس مدینتک برندن دیکرینه نقل ایلدیکی بو ایکی منظومه بشریت آره سننده جدی تقاربات و مماثلات حصوله مدار اوللی ایدی .

حیفا که آرایه کیرن قدر ، کشور غربی مفرط بر غیرت جاهلانه ایله ، مدافعی بولندیغنی دین اوزرنده کی قوذنی غیب ایتمک امنیه سیله

مدهوظ اولانلرله فسح عهدک مناسی ، بوکیلرک احوالی صورت دائمه نظر تفتیش و مراقبه آلتنده بولندیغنی قنالقلمی برر برر میدانه چیقارمق ، مقاصد فاسده لرینی تشمیر ایدره ک ماهیت حقیقیه لرندن خافل بولان مؤمنلری کیزلیدن کیزلی به قازمقلری قویوره دوشورمه . لرینه ، کندیلرینه قارشو حسن امنیت و اطمینان بسله یین مسلمانلرک سلب حضور و آراملری ایچون اجر ایستدکلی ترتیبات خفیه ده تأمین موفقیته ایتمه لرینه میدان ویرمامکدن بشقه بر شیمیدر ؟ خیر ، منافقنر یالکز مسلمانلرکده ، اسلام ملکتلرنده دکل ، هر دینده ، هر یرده سعی بالفساد ایله متم اولانلر حقنده مین جزیره محکومدرلر . نهدن بویله اولماسین که بولنرکده غایه مساعیلری حق مجاورت ، عهد و ذمت و سائره کی وسائل صمیمیه اصلا التفات ایچیره ک محیطلرینه تخم نفاق و شقاق سر پک ، قومشولری ، وطنداشلری ایچون فلاکت احضار ایدره بیله جک هر هانکی بر فرصتی غنیمت بیلیمکدن عبارتدر .

ابن جریر اهل نفاقک بر یوزنده فساد چیقارمقدن بشقه بر وظیفه لرلی اولمادیغنی بیان و بولنرک هدف مساعیلری نهدن عبارت اولدیغنی ایضاح ایدره ک دیور که : « منافقنر خالق لرینه منصفیدن ، نه ایستدکی شبلری بی محابا ایشله ییمکدن ، فرائض الهیه یی ترک و اهاالدن بشقه بر شی دوشونمز ل . دینی عمللرک شرط مقبولیغی دینی تسدیق ایتمک و اونک طوضری بر یول اولدیغنه یقین و اعتماد بسله ملک اولدیغنی حالده بو خصم و صده قلبلرینی شکدن قورناره مازلر . بونکله برابر مؤمنلره حقیقی رنگارندن بشقه بر رنگده کورونه رک اولنری آلداتغه ، یولق بوله ییلر لرسه بر طرف نده ده اللهمک خالص و اعتقادی پاک قوللری علمینه اهل تکذیب ایله عقد رابطه مخادته و اولنری تأیید و مظاهر نه شایان اولورلر . »

ایشته منافقلری سعی بالفساد تهمتیله محکوم ایدن اسباب قسماً بو وجهه خلاصه ایدیه ییلر . بو خقیقنر میداننده طوروب طوررکن بیلمه یز که اولنرک ساحه اسلامده بیولک بیولک شورشلر ، فتنلر احداثه مساعد اولان آمال مضره لرینی نظر عفو و صفح ایله کورمک ، فکر تسویل و ملتتارینی نتیجه سز بر اقق ایچون ایجاب ایدن تدابیره مراجعت ایتمک لصل تجویز ایدیه ییلر ؟

باخصوص که جناب حق نه کریمه ، منافقنر ، حقیقت حالارندن خافل بولنلر مسلمانلره قارشو طوندقلری خدعه کارلق مسلمانلرکدن و از کجه دکلی تقدیرده ، بیولرینه قارشو سیف سطوت و انتقامی ایستدیکی کی قوللایمق ، جمیتلرینی تارمار ایتمک خصوصنده کندینه حریت کامله بخشن ایتمک و عهد بیورمقده در د لئن لم ینته المناقون والذین فی قلوبهم مرض و المرجفون فی المدینه لتفرینک بهم ثم لا یجاورونک فیها الاقلیلا ملامونین ایما تقفوا اخیذوا و قتلوا قتیلاً = منافقنر ، قلبلری ریب و شک خسته لغنه دوچار اولانلر ، مدینه ده ایکی ده برده اصلسز شایملر چیقارنلر طوندقلری فتنه و نفاق بولندن و از کجه سز-